

都城之義。必以二字不可無之辭。信心爲能入者。此一句。爲傳法之眞印。吾祖傳之於吉水。永賜將來。故。和讚等以之讚吉水。無上ノ信心オシヘテソ。涅槃ノ門ヲハヒラキケル等。實眞知識哉。

○弘經大士至高僧說

惣標別列上已竟。第三結勸。弘經者三國七僧。通弘傳眞實教。大無量壽經。故云。弘經。由叙文可對見。大士者指西天二大士。宗師者指漢和五祖也。拯濟等者。經云。拯濟無極。手教言拯。舟渡言濟也。無邊者安樂集云。盡無邊生死海。生死無邊則大悲亦無邊。大悲無邊故云。拯濟無邊也。極濁惡者。五濁惡時之極。即是當今末法劣機是也。七祖所弘傳。上承二尊大悲。明彌陀本願應劣機。能救濟無邊極濁惡機。此結前也。道俗時衆等二句。勸也。道俗出家在家二衆也。時衆者在世及滅后。蓋本玄義。

語。共同心者。與論主普共諸衆生同。此高祖度衆生心也。從初師命。諸句皆願作佛心也。從終則諸句皆度衆生心也。唯可等者。唯者揀持義。簡他師及隨他說。唯使信此高僧所說。故云。唯也。斯高僧說者。有二重。一云簡他師所說。唯可信斯七祖所說。一云七祖所說中。有隨自隨他說。上來所舉皆是隨自意說。故唯可信此高祖之所說也。其隨自意說。即不異二尊所說。然則信七祖說。即信二尊所說也。上學經言。應信。今學諸祖言。可信。互相發焉。高祖自信佛祖說。勸之道俗。使信者。高祖之正信。偈也。曾言三國祖師各興行斯一宗。愚禿所勸更無私等。末代道俗信高祖說者。即是信二尊七祖說也。苟信之。誦之。即是道俗時衆之正信。偈也。後々無盡。攝化無窮者。吾祖化導不可不仰者也。南無阿彌陀佛。

○六十行已畢一百二十句 第二結數



教行信證略讀第六終



